

T 9297

3122

51

T 9297

3122



新編古今事文類聚卷之三十四

建安說

移

和文編

鱗蟲部

魚 蝦 水母並附

羣書要語

鮐魚類尾 魚勞則尾赤 魚尾于鬚 在靈沼於初魚躍 魚尾于鬚

魚尾于鬚 魚尾于鬚 魚尾于鬚 魚尾于鬚 魚尾于鬚

魚尾于鬚 魚尾于鬚 魚尾于鬚 魚尾于鬚 魚尾于鬚

魚尾于鬚 魚尾于鬚 魚尾于鬚 魚尾于鬚 魚尾于鬚



新編古今事文類聚卷之三十四

後集

建安祝 穆 和父編

鱗蟲部

哈佛大學漢和  
圖書館珍藏印

東亞圖書館

藏書

魚

蝦 水母並附

羣書要語

魴魚頰尾

魚勞則尾赤

汝墳王

在靈沼於物魚躍靈臺

魚麗于罟

魚麗

魚鱉膾

鯉

韓奕

淮夷蠙珠暨魚

禹貢暨鳥

獸魚鱉咸若

伊訓

魚躍于淵

旱麓

南有嘉魚小

雅孟春之月魚上水

月令

吞舟之魚蕩而失水



則螻蟻能制之莊子水涸魚相與處於陸相煦以濕相濡以沫不如相忘於江湖莊子水至清則無魚家語彼尋常之污瀆兮豈容吞舟之魚橫江之鱣鯨兮固將制於螻蟻賈誼賦沛乎知巨魚之縱大壑王褒頌先主曰孤之有孔明如魚之有水蜀志若魚遊釜中張綱傳竭澤而魚豈不得魚而明年無魚呂氏春秋**鯤**北溟有魚其名爲鯤其大不知幾千里也莊子**鯨魚**海魚也大者長數千里小者數千尺鼓浪成雷噴沫成雨水族驚畏皆逃匿莫敢當其雌曰鯢大者

亦長千里眼睛爲明月珠崔豹古今注**海鯢魚**

即海上最偉者也其小者亦千餘尺每歲廣州發船舶過南番貿易路經海心深闊處忽見十餘山乍出乍沒篙工曰非山島海鯢魚背也目如閃電鬚鬣若簸朱旗日中勿雨霹靂篙工曰此鯢魚噴氣水散於空風勢吹來若兩耳漸近魚即鼓船而噪倏爾而沒嶺表錄又夷堅志所載見海門

**鯢魚**當脇一行三十六鱗沈筆談**化**

**龍魚**詳見龍門**鯢魚**大口細鱗有斑彩山海經

**鱸魚**巨首細鱗說文**嘉魚**出丙穴蜀都賦**鰓魚**



齒如刀鋸大者長二三丈四足似守宮異物志

**烏賊魚**常自浮水上烏見以為死便往啄之乃

卷取烏故謂之烏賊腹中血及膽正黑中以書

世謂烏賊南越志**比目魚**以左右分不比不行

爾雅南人謂之鞋屈魚嶺表錄**子魚**閩中鮮食

最珍者子魚長七八寸闊三二寸剖之子滿腹

冬月正其佳時莆田迎仙鎮乃其出處予按部

過之驛左有祠謂之通應侯祠有水曰通應溪

潮汐上下土人以鹹淡水不相入處魚最美俗

乃誤傳通應為通印荆公博學多聞詩言通印

豈自有所稽耶王得臣塵史儵鮓者浮陽之魚

也眩於沙而思水則無逮矣注謂此魚好浮於

水上就陽也荀子

**青魚**遊魚動圓波選潛波想巨魚江渾魚掉

歌船尾跳魚撥刺鳴長鯨吞九州鯨力

破滄溟鯨魚跋浪滄溟開並杜

**蝦**海蝦皮殼嫩紅色腦殼與前雙脚有鉗者其

色如朱余嘗登海舫忽見楹板懸二巨蝦殼頭

尾鉗足俱全各七八尺首占其一分刺尖利如

鋒刃刺上有鬚如紅筋各長二三尺前雙脚有



鉗鉗麓如人大指長三尺餘上有芒刺如薔薇  
枝赤而鉗硬手不可觸腦殼烘透彎環尺餘何  
止於盃盃也嶺表錄異**水母**其形凝一物大如  
覆帽腹下有物如絮俗謂之足而無口眼常有  
數十蝦寄腹下嘔食其涎浮水上捕者或遇之  
即沉乃是蝦有所見耳嶺表錄異

**詩句**間食飽魚蝦歐濁酒傾殘壺枯魚雜乾蝦

歐

**古今事實**

白魚入舟

武王渡河中流白魚躍入於王舟武王俯取以

祭周紀

如棠觀魚

魯隱公將如棠觀魚臧僖伯諫曰凡物不足以  
講大事其材不足以備器用則君不舉焉隱五

校人畜魚

昔者有饋生魚於鄭子產子產使校人畜之池  
校人烹之反命曰始舍之圉圉焉少則洋洋焉  
悠然而逝子產曰得其所哉得其所哉萬章

活轍中鮒



莊子見車轍中鮒鮒曰豈無升斗之水而活我乎莊子曰待我決西江之水而逝汝鮒曰如君言不如早索我於枯魚之肆

### 濠上觀魚

莊子與惠子遊於濠梁之上莊子曰儵魚出遊從容是魚樂也惠子曰子非魚安知魚之樂莊子曰子非我安知我不知魚之樂惠子曰我非子固不知子矣子固非魚也子之不知魚之樂全矣莊子曰請循其本惠子曰汝安知魚樂者既已知吾知之而問我我知之濠上也莊子

### 陶朱養魚

齊威公聘陶朱問曰公所住輒至千萬家累億金何術乎公曰夫治生之法有五水畜第一所謂水畜者魚也以六畝地爲池池中有九洲即求懷子鯉魚長三尺者二十頭牡鯉四頭以二月上旬日納池中令無聲魚必生凡魚遠行則肥池中養魚慮其瘦故於池中聚石作九島魚繞之日行千里

### 天暑饋魚

孔子之楚有漁者獻魚孔子不受漁者曰天暑



市遠無所鬻之棄之糞壤不若獻之君子孔子  
再拜而受埽地祭之 家語

彈鋏無魚 見主賓門

殃及池魚 見火災門

鯀魚不受

懸魚不受 並見饋遺門

棄前魚 見漁者門

盤中釣鱸 見釣者門

秋風思鱸 見思鄉門

餘鱠復生

吳王江行食膾有餘棄於江中流化而為魚 博物志

夢鯉乞命

梁南郡太守劉之亨嘗夢二人姓李詣之乞命  
未之解也其明日仲夏有遺生鯉二頭之亨曰  
必夢中所感也乃放之其夜又夢來謝云當令  
君延筭 南史

琴高乘鯉

琴高鼓琴為宋康王舍人行消彭之術浮游冀  
州涿郡間二百餘年後辭入涿中取龍子諸子



弟期之期日皆潔齋後於水旁設祠屋果乘赤鯉來祠且有萬人觀之一月復入水去

列仙傳

### 子英乘鯉

子英者善入水捕魚得赤鯉愛其色持養魚池中數以米穀食之一年長丈餘遂生角有翹翼子英怪畏拜謝之魚言我迎汝爾上我背與汝俱去即大暴雨子英上騰去歲歲來歸故舍食飲見妻子魚復來迎之

列仙傳

### 金鼈玉膾

吳都獻松江鱸魚煬帝曰所謂金鼈玉膾東南

佳味也

南部煙花記

### 闌魚饋守

周利貞武后時調錢塘尉時禁捕魚刺史飯蔬利貞忽饋佳魚刺史不受利貞曰此闌魚公何疑問其故答曰適見漁者禽不獲而有魚焉故闌得之

### 買魚放生

孟簡為常州刺史與盧仝遊北湖盡買漁人所獲魚放之仝作

流水長者活魚



流水長者自在光王之子也見一池其水枯涸  
於其池中有十千魚遂將二十大象載皮囊盛  
河水瀉置池中水遂彌滿又為施食解說十二  
因緣并稱說寶勝佛名後十年魚同日命終生  
切利天是諸天子復至本處空澤池所復雨天  
華便從此沒還切利宮 金光明經

獻珠蝦

以下係蝦

舜攝天子有緩耳貫肖之民來獻珠蝦

蝗化為蝦

見蝗門

送蝦鬚

佳味也

南部煙花記

闌魚饋守

周利貞武后時調錢塘尉時禁捕魚刺史飯蔬利  
貞忽饋佳魚刺史不受利貞曰此闌魚公何疑  
問其故答曰適見漁者禽不獲而有魚焉故闌  
得之

買魚放生

孟簡為常州刺史與盧仝遊北湖盡買漁人所  
獲魚放之仝作

流水長者活魚



流水長者自在先王之子也見一池其水枯涸  
於其池中有十千魚遂將二十大象載皮囊盛  
河水瀉置池中水遂彌滿又為施食解說十二  
因緣并稱說寶勝佛名後十年魚同日命終生  
切利天是諸天子復至本處空澤池所復雨天  
華便從此沒還切利宮 金光明經

獻珠蝦

以下係蝦

舜攝天子有緩耳貫肖之民來獻珠蝦

蝗化為蝦

見蝗門

送蝦鬚

吳後置廣州以南陽滕脩為刺史或語脩蝦長  
一丈脩不信其人後故至東海取蝦鬚長四五  
尺封以示脩脩乃服 王隱晉書

獻蝦鮓

虞嘯父為孝武帝侍中帝從容謂曰卿在閣下  
初不聞有獻替虞家富近海謂帝望其貢對曰  
天待尚暖魚鱉蝦鮓未可致尋有所獻帝撫掌  
大笑 世說

古今文集

雜著



有唐天下放生池碑銘 并序

顏真卿

皇唐七葉我乾元大聖光天文武孝感皇帝陛下以至聖之姿屬艱虞之運無少康一旅之衆當祿山強暴之初乾鞏勞謙勵精爲理推誠而萬方胥悅克已而天下歸仁恩信侷於四時英威達于八表功庸格天地孝感通神明故得廻紇奚霄契丹大食盾蠻之屬扶服萬里決命而爭先朔方河東平盧河西隴右安西黔中嶺南河南之師鳩爛五年推鋒而効死摧元惡如拉朽舉兩京若拾遺慶緒遁逃已蒙赤族之戮思明跼伏行就沸鼎之誅拯已墜之皇綱據再安之宗社迎上皇於西蜀申子道於中京一日二朝大明天子之孝問安侍膳不改家人之禮蒸蒸然翼翼然真帝皇之上儀詰誓所不及已歷選內禪生人以來振古及隋未有如我皇帝者也而猶媿煦萬類憂勤四生乃以乾元二年太歲己亥春三月己丑端命左驍衛左郎將史元琮中使張廷玉奉明詔布德音始于洋州之興道洎山南劔南黔中荆南嶺南江西浙江西諸



道訖于昇州之江寧秦淮太平橋臨江帶郭上  
下五里各置放生池凡八十一所蓋所以宣皇  
明而廣慈愛也易不云乎信及豚魚書不云乎  
暨鳥獸魚鱉咸若古之聰明叡智神武而不殺  
者非陛下而誰昔殷湯克仁猶存一面之網漢  
武垂惠纔致銜珠之答雖流水救涸寶勝稱名  
蓋事止於當時尚介祉於終古豈我今日動者  
植者水居陸居舉天下以爲池罄域中而蒙福  
乘陁羅尼加持之力竭煩惱海生死之津揆之  
前古曾何髣髴微臣職忝方面生丁盛美受恩  
寢深無以上報謹緣臯陶奚斯歌虞頌魯之義  
述天下放生池碑銘一章雖不足形容明聖萬  
分之一亦臣之精懇也敢刻金石著其詞曰  
明明皇帝臨下有赫至德光天乾元啓蹟緯武  
戡亂經文御曆孝感神明義形金石仁覆華夏  
恩加蠻貊道冠巍巍威深虩虩溝茲多難克廣  
丕績慶緒致誅思明辟易人道助順天道惡逆  
撲滅之期匪朝伊夕乘此寶祚永康宗祐業盛  
君親功崇列辟交禪之際粲然明白迥映來今  
孤高往策去殺流惠好生立辟率土之濱臨江



是宅遂其生性庇爾鱗翮環海爲池周天布澤  
致茲忠厚罔弗怡懌動植依仁飛沉受獲流水  
長者徒稱往昔寶勝如來疇庸允格德力無競  
慈悲孔碩相時傳聞尚賴弘益矧在遭遇其忘  
敷錫真卿勒銘敢告凡百

東坡云湖州有顏魯公放生池碑載其所  
上肅宗表云一日三朝大明天子之孝問  
安侍膳不改家人之禮魯公知肅宗有愧  
於是也故以此諫孰謂公區區於放生者  
哉

志林

廣德軍放生池記 陸務觀

古者臣之愛其君何其至也其禱斬之辭曰受  
天百祿曰子孫千億曰如南山之壽一話言一  
飲食未嘗忘君然不聞有以羽毛鱗介之族斬  
其君之福者蓋先王盛時山澤有虞川林有衡  
漁獵有時數罟有禁洋洋乎浩浩乎物各遂其  
生養之宜所謂漉波竭澤者蓋無有也所謂相  
煦以濕相濡以沫者蓋未見也至於後世德化  
弗行厲禁弗弛廣殺厚味暴殄天物放而不知  
止舍耒耜而事網罟者日以益衆於是有所以放



生名池用祝壽祺者而唐之顏真卿之石刻始傳  
於世 宋興 十二聖相繼以深仁盛德極高  
蟠厚鳥獸魚鱉咸若矣而四方郡國猶相與築  
陂瀦水脩放生故事所以廣 聖澤之餘有不  
敢忽者惟廣德軍舊以郡圃後池爲之地隘水  
泉淺涸不與事稱承議郎曾臬以慶元二年來  
領郡事顧而太息會以事至子城西稍南得亘  
溪者延茂百步泓渟澄澈蒲柳殖植藻荇縈帶  
水光天影盪摩上下爲一郡絕景侯因其故而  
加治焉築室於其會名曰溪堂民不勞財不費

煥然告成 重明節率僚吏放鱗介千計望行  
在拜手稽首禮成而退父老童穉縱觀興歎以  
爲廣德爲郡以來逾二百年所未之有侯移書  
笠澤陸游俾爲記游復之曰侯奉 天子詔來  
爲守於此一賦役非其時一獄訟非其情窮僻  
下俚匹夫匹婦有一愁嘆侯之責也能不負此  
責然後足以對敷 天子休命而致歸美報上  
之意放生之舉蓋賢守善其職之一事耳豈特  
是而止哉期年政成將屢書之陸某記

詠澤亭記

洪景廬



錢塘西湖自唐刺史白居易斥而大之其名震  
四方錢氏有國尤致意設險至於屯清湖千兵  
以爲之護它可見矣天僖中郡守故相王欽若  
始奏請爲放生池邦人歲以四月八日用釋氏  
法稱家有無隨願深淺買禽魚而放之謂爲誦  
聖元祐中蘇軾復請鬻祠部牒顧民去葑將使  
際山皆湖既而莫能成今郡爲行都垂歷五紀  
天波涵濡品彙閭懌天子所至曰幸民既被賜  
矣萬物一理也則鳥獸魚鱉遂其生性豈不有  
幾乎芒芴之間哉於是敷文閣直學士張子頽  
乃即湧金門之外木榭故址締爲新亭取蘇軾  
語揭之曰泳澤歲四月丙寅萃鱗翼二十四萬  
朝服敬禱一一而縱之祝曰爲兩宮千萬歲壽  
旣訖役以書囑婺州守洪邁紀其事切惟天保  
之詩六章百四十有八言皆所以歸美報上惟  
子頽受恩奕世不自同於衆臣方香火僊祠雍  
容朝請班中於陳力赴功無所事獨其拳拳之  
意如此乃作詩遺之使刻石亭上持以詔諸雲  
來尚永無極詞曰  
天壤之間林林以居號物之數流形萬殊喘奕



肖翹飛潛走趨童智異狀愛至則俱廣充仁心  
爰有佛徒導以正命出之怖塗魏魏金塘今日  
帝都在國之西環山匯湖淵淵萬頃明燭眉鬚  
涵濡蓄羨唐日所瀦池爲放生肇 宋有初夏  
孟之八民相勸呼脫物鼎九數彌器車 二聖  
在宥若唐禮虞恩翔和風德滿太虛所至曰幸  
詹前莫如惟臣子顏歸美是圖乃即別榭抗爲  
室廬臨臨丘亭監水所於捐空橐裝先甲貯儲  
訪翳出羽傾筌市魚唯其多矣無問幾餘二十  
四萬洗空罔祛朝服山立有嚴苾蒨西方聖人  
昭假正符咨爾萬類其樂只且天保定爾聲詩  
所書如岡如川報禮豈腴千萬歲壽游於赫胥  
臣邁作誦播之康衢

跋放生池碑

歐陽永叔

右放生池碑不著書撰人名氏放生池唐世處  
處有之王者仁澤及於草木昆蟲使一物必遂  
其生而不爲私惠也惟天地生萬物所以資於  
人然代天而治物者常爲之節使其足用而取  
之不過萬物得遂其生而不夭三代之政如斯  
而已易大傳曰庖犧氏之王也能通神明之德



以類萬物之情作結繩而爲網罟以佃以漁蓋  
言其始教民取物資生以爲萬世之利此所以  
爲聖人也浮屠氏之說乃謂殺物者有罪而放  
生者得福苟如其言則庖犧氏遂爲人間之聖  
人地下之罪人矣

鰐魚文

韓愈

維元和十四年四月二十四日潮州刺史韓愈  
使軍事衙推秦濟以羊一猪一投惡溪之潭水  
以與鰐魚食而告之曰昔先王既有天下列山  
澤網繩擗刃以除虫蛇惡物爲民害者驅而出  
之四海之外及王德薄不能遠有則江漢之間  
尚皆棄之以與蠻夷楚越况嶺海之間去京師  
萬里哉鰐魚之涵淹卵育于此亦固其所今天  
子嗣唐位神聖慈武四海之外六合之內皆撫  
而有之况禹跡所揜揚州之近地刺史縣令之  
所治出貢賦以供天地宗廟百神之祀之壤者  
哉鰐魚其不可與刺史雜處此土也刺史受天  
子命守此土治此民而鰐魚睥然不安溪潭據  
食民畜熊豕鹿麋以肥其身以種其子孫與刺  
史亢拒爭爲長雄刺史雖鴛弱亦安肯爲鰐魚



事文類聚後集卷之四  
五  
低首下心忸忸覲覲爲民吏羞以偷活於此也  
且承天子命以來爲吏固其勢不得不與鰐魚  
辨鰐魚有知其聽刺史言潮之州大海在其南  
鯨鯢之大蝦蟹之細無不容歸以生以食鰐魚  
朝發而夕至今與鰐魚約盡三日其率醜類南  
徙于海以避天子之命吏三日不能至五日五  
日不能至七日七日不能是終不肯徙也是不  
有刺史聽從其言也不然則是鰐魚冥頑不靈  
刺史雖有言不聞不知也夫傲天子之命吏不  
聽其言不徙以避之與冥頑不靈爲民物害者  
皆可殺刺史則選材技吏民操強弩毒矢以與  
鰐魚從事必盡殺乃止其無悔

戮鰐魚文

陳堯佐

己亥歲予於潮州建昌黎先生祠堂作招韓辭  
載鰐魚事以旌之於後又圖其魚爲之讚凡好  
事者即以授之俾天下之人知韓之道不爲妄  
也明年夏郡之境上地曰萬江村曰硫黃張氏  
子年始十六與其母濯于江渙倏忽鰐魚尾去  
其母號之弗能救洎中流則食之無餘予聞而  
傷之且謂天子聖武王澤昭洽刑不僭賞不濫



海內海外罔不率俾昆蟲草木裕如也鱈魚何  
恃焉而肆毒任虐之如是是不可不爲思也郡  
吏李公詔縣吏楊煦擎小舟操巨網馳往捕之  
咸謂予曰彼不可捕也穴深淵游駭浪非人力  
之所能加也予謂不然復之曰方今普天率土  
靡不臣妾山川陰陽之神奉天子威命晦明風  
雨不可踰也鱈魚恃遠與險毒茲民物律殺人  
者死今魚之食人又何如焉昔昌黎文公投之  
以文則引而避是則鱈魚之有知也若之何而  
逐之姑行焉必有主之者矣苟不能及予當請

于帝躬與鱈魚決二吏既往即以予言告之且  
曰觸吾網輒止伏不能舉繇是左右前後力者  
凡百夫曳之以出緘其吻械其足檻以巨舟順  
流而至闔郡聞之悉曰是必妄也安有食人之  
魚形越數丈而能獲之者焉既見之則駭而喜  
且曰生於世有百歲者矣凡上下水中或見其  
隆伏鬐鬣之狀雖相遠百步尚不能抗今二吏  
捕之猶拾芥焉實今古之所未聞也向非公之  
義洽於民公之令嚴於吏然自誠而不欺也又  
安能殲巨害乎大怨宣王者之威刑焉予始慎



之終得之又意韓愈逐之於前小子戮之於後  
不爲過也旣而鳴鼓召吏告之以罪誅其首而  
烹之辭曰

水之怪則曰惡兮魚之悍則曰鱐兮二者之異  
不可度兮張氏之子年方弱兮尾之食也胡爲  
虐兮斃斃母氏俾何說兮予實命吏顏斯忤兮  
害而弗去道將索兮夙夜思之哀民瘼兮赳赳  
二吏行斯恪兮矯矯巨尾迎而搏兮獲而獻之  
俾人樂兮鳴鼓召衆春而斲兮而今而後津其  
廓兮

養魚記

程正叔

書齋之前有石盆池家人買魚子食猫見其煦  
沫也不忍因擇可生者得百餘養其中大者如  
指細者如箸支頤而觀之者竟日始舍之洋洋  
然魚之得其所也終觀之戚戚爲吾之感於中  
也吾讀古聖人書觀古聖人之政禁數罟不得  
入洿池魚尾不盈尺不中殺市不得鬻人不得  
食聖人之仁養物而不傷也如是物獲如是則  
吾人之樂其生遂其性宜如何哉思是魚之於  
是時寧有是困耶推是魚孰不可耶魚乎魚乎



細鈎密網吾不得禁之於彼炮燔咀嚼吾得免爾於此吾知江海之大足使爾遂其性思置汝於彼而未得其路徒能以斗斛之水生汝之命生汝誠吾心汝得生已多萬類天地中吾心將柰何魚乎魚乎感吾心之戚戚者豈止魚而已乎因作養魚記

魚說二

蘇子瞻

河之魚有豚其名者遊於橋間而觸其柱不知違去怒其柱之欄已也則張頰植鬣怒腹而浮於水久之莫動飛鳶過而攫之磔其腹而食之好游而不知止因游而觸物不知罪已妄肆其忿至於磔腹而死可悲也夫海之魚有烏賊其名者噉水而水鳥戲於岸間懼物之窺已也則噉水以自蔽海鳥視之而疑知其魚而攫之嗚呼徒知自蔽以求全不知滅迹以杜疑爲窺者之所窺哀哉

題徐巨魚畫

黃魯直

徐生作魚庖中物耳雖復妙於形似亦何所賞但令噉獠生涎耳向若能作底柱折城龍門岌岌驚濤險壯使王鮪赤鯁之流仰波而 upstream 或



其魂怪雄傑乘風霆而龍飛彼或不自料其能  
薄乘時射勢不至乎中流折魚點額窮其變態  
亦可以為天下壯觀也

古詩

西湖徙魚

見漁者門

蘇子瞻

次韻蘇公西湖徙魚

陳無已

窮秋積雨不破塊霜落西湖露沙背大魚泥盤  
小魚樂高丘覆杯水如帶魚窮不作搖尾憐公  
寧忍口不忍鱠脩鱗失水玉參差晚日搖光金  
破碎咫尺波濤有生死安知平陸無灘瀨此身

寧供刀几用着意更須風雨外是間相忘不為  
小濠上之意誰得會枯魚雖泣悔何及莫待西  
江與東海

赤手取魚如拾塊布網鳴舷攻腹背豈知激濁  
與清流恐懼駢頭牽翠帶居士仁心到魚鳥會

有微生化餘鱠

吳都賦注越王鱠魚夫盡因

寧

容網目漏吞舟誰能烹鮮作苛碎我亦江湖釣

竿手誤逐輕車從下瀨

漢武紀公孫賀為輕車將軍甲為下瀨將軍

生當得意落鷗邊何用封侯墮為外不如此魚  
今得所置身暗與神明會徑須作記戒鯨鯢防



有任公釣東海

詩成落筆驥歷塊不用安西題紙背

自注云家

每紙背庚翼題

云正右軍書紙小家厚飲四壁空坼東補西裳

作帶堂下敲棘牛何罪太山之陽人作鱠

莊子盜跖

膾人所食之同生異趣有如此餅懸党間終一碎流

水長者今公是兩花散亂投金瀨人言充庖湏

此輩慈觀更湏容度外賜墻及肩人得視公才

繁繁一都會有憐其窮與不朽我亦牽聯書玉

海

和梅聖俞食鱠歌

劉貢父

黃河赤鯉非龍村欲化不化煩風雷隨波浮沉

偷自得網羅失身成暴腮火髻錦鬣鱗雪霜紅

眼照耀珠夜光芒無鯢鮪與蝦斗安見品格非

尋常主人愛客不計錢少婦縷鱠情可憐蜀薑

吳橘正相益炊菘絮羹還慊然燕人寸腴不足

貴專諸全角非珍味屬饜默懷一飯報欲令主

人千萬歲白玉換米桂作薪主人家居長不貧

賣魚一值任公子馱鱠與編長安人

烏賊魚

梅聖俞

海若有醜魚烏圖有烏賊腹膏為飯囊鬲胃貯



飲墨出沒上下波  
饜飫吳越食爛腸  
夾雕蚶墮貢入中國  
中國捨肥羊  
啗此亦不惑  
律詩

放魚

白居易

香餌見來湏閉口  
大江歸去好藏身  
盤渦峻激多傾覆  
莫學長鯨擬害人

點額魚

白居易

龍門點額意何如  
紅尾青鬢且似初  
見說在天行雨苦  
爲龍未必勝爲魚

魚

歐陽永叔

秋水澄清見髮毛  
錦鱗行處水紋搖  
岸邊人影驚還去  
時向綠荷深處跳

謝榮緒惠鮮鯽

黃魯直

偶思煨老庖  
玄鯽公遣雙鱗貫  
柳夾壘曰方看  
金作屑膾盤已見  
雪成堆

松江鱸魚

楊廷秀

鱸出鱸鄉蘆葉前  
垂虹亭上不論錢  
買來玉尺如何短  
鑄出銀梭直是圓  
白質黑章三四點  
細鱗巨口一雙鮮  
秋風想見真風味  
祇是春風已迥然  
詩話



詩勿取巧

崔德符魚詩云小魚喜親人可釣亦可扛大魚自有神出沒不可量如此等作甚好文鑑上却不收如何正道理不取只取巧朱語錄

河豚

江豚附

羣書要語

闕

古今事實

闕

古今文集

雜著

論河豚有毒

河豚新附本草云味甘温無毒日華子云有毒予按倦游錄云河豚魚有大毒肝與卵人食之必死暮春柳花飛此魚始大肥江滄人時以為珍更相贈遺鬻其肉雜萋茅瀾而為羹或不甚熟亦能害人歲有被毒而死者然南人嗜之不巳又觀張文潛明道雜志則又云河豚水族之奇味世傳以為有毒能殺人余守丹陽及宣城見土人戶食之其烹煮亦無法但用萋蒿荻笋



菘菜三物而未常見死者若以爲土人食之故  
不傷蘇子瞻蜀人守揚州晁無咎濟南人作倅  
每日食之了無所覺南人云魚無頰無鱗與目  
口能開闔及作聲者有毒河豚備此四者故人  
畏之而此魚自有二種色淡黑有文點謂之斑  
子云能毒人土人亦不甚捕也子瞻在資善堂  
嘗與人談河豚之美者云也直那一死其美可  
知或云子不可食其大纜一粟浸之經宿如彈  
凡人有中毒者以水調炒槐花末及龍腦皆可  
解予嘗見漁者說所以取之之由河豚盛氣善

怒每伏水底必設網于上故以物就而觸之彼  
將奮怒而上遂爲所獲吳人珍之目其腹腴爲  
西施乳藝苑雌黃

古詩

范饒州坐客語食河豚魚

梅聖俞

春洲生菰芽春岸飛楊花河豚當是時貴不數  
魚蝦其狀已可怪其毒亦莫加忿腹若封豕怒  
目猶吳蛙庖煎苟失所入喉爲鏌鋇若此喪軀  
躰何須資齒牙持問南方人黨護復矜誇皆言



美無度誰謂死如麻我語不能屈自思空咄嗟  
退之來潮陽始憚餐龍蛇子厚居柳州而甘食  
蝦蟆二物雖可憎性命無舛差斯味曾不比中  
藏禍無涯甚美惡亦稱此言誠可嘉

金陵初食河豚戲書 曾子固

食肉遺馬肝未爲不知味食魚必河豚此理果  
何謂非鱗亦非介芒刺皮如蝟觀形固可憎况  
復論腸胃禍心中包藏有挾無忌畏戕人甚刀  
鋸豈數墨官刑乘時輒朋來戢戢類螽蟴投身  
網罟中孕育殊未既土人重烹鮮肯吝百金費

蘆芽嫩攬實調芼雜薑藪甘肥比西子玉鮪安  
足貴親朋相遇從以此代饗餼口腹適須臾遇  
毒死猶諱我本生江湖東帶仕梁魏每嫌羊肉  
膾頗類漢都尉一麾味南烹飽食聊自慰此魚  
舊傳聞珍異守猩狒試分一杯羹下筋纒髮鬚  
僅能免顛眩累日氣怫悒虛名果浮實騰口謾  
如沸古人供燕饗何有茲品彙鮮龜招禍變羞  
鱉取怨誹螭螟誤蔡謨垂死但餘氣韓柳食蝦  
蟆寧忘釣涇渭不如御常珍芻豢勝曾尉曲肱  
亦足樂採掇有蒿蔚百年天地間妄意事經緯



堂堂七尺軀豈免薪土衣苟爲幸所養有累均  
豹毅愛身誠有待語道吾則未

河豚歎

范成大

鮓生藜莧腸食事一飽足腥腐色所難况乃衷  
醜毒臍身強名魚殺氣孕慘黷旣非養生具宜  
謝砧几酷吳儂真差事網索不遺育指生決下  
筋束手汗僮僕朝來里中子饒吻不待熟濃時  
喚不應已落新鬼錄百年三寸咽水陸富有藪  
一物不登俎未負將軍腹爲口忘計身甕良死何  
足哭作俑者誰歟至今走末俗或云先王意除

惡如藝菽逆梟與毒鏡歲歲參幣王及夷入藪  
羞蓋欲織此族死生有定數斷命烏可續適丁  
是時者未易一理局甗鼎子公怒羊羹華元劔  
異味古所珍無事苦畏縮駢頭訶此語戒諭祇  
取瀆聾盲死不悟明智諒已燭

詩話

評東坡詩

東坡詩云竹外桃花兩三枝春江水暖鴨先知  
萋萋滿地蘆芽短正是河豚欲上時此正是二  
月景致是時河豚已盛矣但欲上之語似乎未



穩若溪漁隱

古詩係江豚

江豚詞

王元之

江豚江豚爾何物吐浪噴波身突兀依憑風水  
恣豕豪吞啗魚蝦頗肥膖肉腥骨硬難登俎雖  
有網羅嫌不取江雲漠漠江雨來天意為霖不  
干汝

新編古今事文類聚卷之三十四

後集

新編古今事文類聚卷之三十五

後集

建安祝 穆 和文編

介蟲部

螯

龜

鼈

蟹

車螯

蟻

蛤蜊

海族並附

羣書要語

巨螯以背負山周迴千里

玄中記

巨螯鼻鼻首冠靈山

吳都賦

詩句

積翠浮澹艷始疑負靈螯柳方壺蓬萊負

巨螯山谷

龜似鼈而大 說文



**詩句** 帆檣灑風時波浪出蛟龜 疾雷將雨電

破柱取蛟龜 山谷

**鼈介蟲也** 說文 春獻鼈蜃 周禮 鼈人掌取玄物

以時籍 初提反 謂以杖刺取 同上 暨鳥獸魚鼈

咸若 舜典 水煩則魚鼈不大 禮記 居山者不以

魚鼈為禮 禮記 魚鼈膾鯉 六月 臠鼈炮羔 楚辭

鼈目白腹下 王字者不可食 酉陽雜俎

**蟹** 形似便面負雌而行失雄則不能獨活 廣志

**車螯** 形似蚌蛤而大 說文

**螺** 即牡蠣也其初生海島邊如拳石四面漸長

有高一二丈者巉巖如山每一房內有肉一片

海夷以斧楔取殼燒以烈火螺即啓房挑取其

肉趁虛市以易醕 嶺表錄異

**蛤蜊** 生海中螺蚌之類 抱朴子

**海族** 王泚海月土肉石華 **注** 海月大如鏡白色

正圓常死海邊其柱如搔頭大 郭景純江賦 餘

不盡載

**古今事實**

巨鼈戴山

渤海之東有壑焉其中有五山無所連着常隨



波上下往還不得暫時為仙聖毒之訴于上帝  
上帝恐流於西極失聖臣之居使巨鼈十五舉  
首而戴之迭為三番六萬歲一交焉五山始峙  
而不動列子

一釣六鼈

龍伯之國有大人舉足不盈數十步而暨五山  
之所一釣而連六鼈負而歸國灼其骨以數焉  
列子

群蟻觀鼈

東海鼈冠蓬萊游滄溟騰躍而上沉沒而下埳

蟻聞而悅之相要海畔觀鼈群蟻曰彼冠山何  
異我戴粒逍遥於封壤之巔伏乎窟穴也符子

鼈抃

有巨靈之鼈背負蓬萊之山而抃舞戲滄海之  
中列仙傳楚辭天問云鼈戴山抃

染指於鼎以下係龜

楚人獻龜於鄭靈公子公之食指動謂子家曰  
必嘗異味乃宰夫將解龜食公故不與子公怒  
染指於鼎嘗之而去左

贖龜而放



韋丹未第時於洛陽橋見漁者得一龜甚大丹  
心異之贖投於河後有元長史名濬之來謁即  
此龜也 吉凶響應錄

食鼈而小 以下係鼈

公父文伯飲南宮敬叔路諸父怒鼈小曰長而  
食之遂出文伯母曰吾聞祭養尸享養賓鼈於  
何有而使夫人怒 國語

東海鼈 見蛙門

綠衣求生

崔悅尚書家方會客夜夢十九人着青綠羅衣

拜告求生既寤見器中有水泛鼈正十九頭遂  
詣水次放之 王仁裕玉堂閑話

酒炙車鰲 見居喪門係車鰲

蠶永充食 見蟹門係蠶

且食蛤蜊 以下係蛤蜊

宋王融初為司徒法曹詣王僧祐因遇沈昭畧  
未相識昭畧屢顧盼謂主人曰是何年少融殊  
不平謂曰僕出於扶桑入於暘谷照耀天下誰  
云不知而卿此問何也昭畧云不知許事且食  
蛤蜊 盧敖食蛤蜊見神仙門



夢人前訴

魯公好放生以蜺蛤之類人所不放而活命之多也一日夢被甲者數百人前訴既寤而問其家乃有惠蛤蜊數簞者即遣人放之夜復夢被甲者來謝東軒錄

鷸蚌相持 以下係蚌

趙且伐燕蘇代為燕將謂趙惠王曰川蚌方出曝而鷸啄其肉蚌合而拊其喙鷸曰今日不雨明日不雨即有蚌脯蚌亦謂鷸曰今日不出明日不出必見死鷸 戰國策

老蚌有珠

廉州邊海中有洲島島上有大池謂之珠池每年脩貢珠戶入池皆採老蚌剖而取珠珠如豌豆大常珠也如彈丸者亦時有得徑寸照室之珠卒不可遇也 嶺表錄異

螺能食人 以下係海族

南康有女採螺為業夜宿亭上聞風雨聲見衆螺張口而至亂斃其肉明日唯有骨在焉因號其地為螺亭 南康記

螺出足行



衛瓘太康永熙中家人炊飯墮地盡化爲螺出足而行瓘終見誅

世說

蚶名瓦屋

蚶子蓋蚌蛤之類也項因盧尚書移鎮嶺南改

名瓦屋子以其殼上有稜如瓦壠故名焉

嶺表

錄異

### 諫進海蚶

唐元和中嶺南節度使崔詠卒宰臣奏擬皆不可上謂裴度曰嘗有諫進海蚶淡菜者詞甚忠正卿可求此人度出以訪人或言孔戣諫者

度即日以聞乃召之

唐書

### 古今文集

古詩

### 題海鼈圖屏風

白居易

海水無風時波濤安悠悠鱗介無小大遂性各沉浮突兀海底鼈首冠三神丘鈎網不能制其來非一秋或者不量力謂茲鼈可求  
鼈屬率不動綸絕沉其鈎一鼈既頰頷諸鼈齊掉頭噴風激飛廉鼓浪怒陽侯鯨鯢得其便張口欲吞舟  
萬里無活鱗百川多倒流遂使江漢水朝宗意



亦休蒼然屏風上此畫良有由

隱居詩話云吾讀樂天此詩感劉隗李訓

薛文通事為之太息

雜著 係鼈

鼈賦

晉潘尼

皇太子遊於玄圃遂命釣魚有得鼈而戲之者  
令臣賦之方銜鈎以振掉呼駭人而可惡既顛  
墜於巖岸乃盤跚而雅步或延首以鶴顧或頓  
足而鷹距或曳尾於泥中或縮頭於殼裏若乃  
秋水暴駭百川沸流東海之巨鼈乃負山而吞

舟

律詩 係鱉

鱉醬

楊廷秀

忽有瓶罌至捲將江海來玄霜凍龜殼紅霧染  
珠胎魚鮓兼蝦鮓奴才更婢才平章堪一飯斷  
送更三杯

古詩 係車螯

初食車螯

歐陽永叔

累累盤中蛤來自海之涯坐客初未識食之先  
嗟咨五代昔垂隔九州如剖瓜東南限淮海邈



不通夷華于時北州人飲食陋莫加雞豚爲異  
味貴賤無等差自從聖人出天下爲一家南產  
錯交廣西珍當邛巴水戰每連舳陸輸動盈車  
谿潛細毛髮海怪雄鬚牙豈惟貴公侯間巷飽  
魚蝦此蛤今始至其來何晚耶螯蛾聞二名久  
見南人誇璀璨殼如玉斑斕點生花含漿不肯  
吐得火遽已呀共食惟恐後爭先屢成譁但喜  
美無厭豈思來甚遐多慙海上翁辛苦斲泥沙

永叔請賦車螯

梅聖俞

素脣紫錦背漿味壓蚶菜海客穿海沙拾貯寒  
潮退王都有美醞此物實當對相去三千里貴  
力致以配翰林文章宗炙鮮尤所愛旋拆旋沽  
飲酒船如落埭殊非北人宜肥羊敢鬻塊

律詩

食車螯

楊廷秀

珠宮新沐淨瓊沙石鼎初燃瀾井花紫殼旋聞  
微滴酒玉膚莫熟要鳴牙張施金線成雙美姜  
擘糟丘併一家老子宿醒無解處半杯羹後半  
杯茶

古詩 係螯



食蠔

梅聖俞

薄官遊海鄉雅聞靜康蠔宿昔思一飽鑽灼苦  
 未高傳聞巨浪中礮礮如六鼇亦復有細民並  
 海施竹牢採掇種其間衝激恣風濤鹹鹵與日  
 滋蕃息依江臯中厨烈焰炭燎以菜與蒿委質  
 已就烹鍵閉猶遁逃稍稍窺其戶青欄流玉管  
 人言斃小魚所得不償勞况此鐵石頑解剝煩  
 錐刀戮力効一割功烈纔牛毛若論攻取難飽食  
 未為饕秋風鱸膾綵霜日持蟹螯脩靶踏羊助  
 巨臠割牛屍盤空筋得放羹盡金可輟等是暴  
 天物快意亦魁豪蠔味雖可口所美不易遭拋  
 之還土人誰能折秋毫

律詩

食蠔房

楊廷秀

蓬山側畔屹蠔山懷玉深藏萬壑間也被酒徒  
 勾引着薦他樽俎解他顏

律詩 係蛤蜊

酒蛤蜊

楊廷秀

飲者憐渠有典刑見渠借箸眼偏青平生閉口  
 不論事晚歲搜腸求獨醒



食蛤蜊米糝羹

揚廷秀

傾來百顆恰盈奩  
剝作杯羹未屬饜  
莫遣下盞傷正味  
不曾着蜜若爲甜  
雪楷玉質全身瑩  
金緣冰鈿半縷織  
更浙香粳輕糝却  
發揮風韻十分添

古詩

係海族

初南食貽元協律

韓愈

鬻實如惠文骨眼相負行  
蠓相粘爲山百十各自生  
蒲魚尾如蛇口眼不相營  
蛤即是蝦蟆同實浪異名  
章舉馬甲柱鬪以怪自呈其

餘數十種莫不可歎驚  
我來禦魑魅自宜味南烹  
調以醎與酸芼以椒與橙  
腥臊始發越咀含面汗  
辭惟蛇舊所識實憚口眼  
獰開籠聽其去鬱屈尚不平  
賣爾非我罪不屠豈非情  
不祈靈珠報幸無嫌怨  
并聊歌以記之又以告同行

詩話

淡菜詩

孫光憲詩曉厨烹淡菜  
春杼織撞花牛翰林曰  
吾子安知淡菜非雅物也

北夢瑣言



龜

貝 玳瑁並附

羣書要語

甲蟲三百六十而神龜為之長 大戴禮 龜三足曰賁一曰神龜二曰

靈龜三曰攝龜四曰寶龜五曰文龜六曰筮龜

七曰山龜八曰澤龜九曰水龜十曰火龜 爾雅

褚先生曰能得名龜者財物歸之家必大富一

曰北斗龜二曰南辰龜三曰五星龜四曰八風

龜五曰二十八宿龜六曰日月龜七曰王龜八曰

九州龜 藝文類聚 龜名玄衣督郵 古今注 龜百

歲一尾千歲則十尾 六帖 舍爾靈龜觀我朶頤

順 或益之十朋之龜 注 龜者決疑之物獲益而

得十朋之龜則盡天人之助也 易 龜人凡取龜

用秋時攻龜用春時東龜曰果南龜曰獵 注 前

弁果後弁獵是其體也前弁果謂甲前長後弁

獵謂甲後長 春官 九月命漁師伐蛟取鼉登龜

取龜 注 登進也 月令 龜者陰蟲之老三千歲游

於卷耳之土老者先知故君子舉事必考之 逸

禮 龜以上春灼後右夏灼前左秋灼前左冬灼

後右 三禮圖 寧王遺我大寶龜 昆命于元龜



並書靈龜五色色似玉背陰面陽上隆象天下  
平法地轉運應四時蛇頭龍頸左睛象日右睛  
象月知吉凶存亡之變又曰龜千歲能與人言  
抱朴子山龜之大者人立背上可負而行本草  
南方老人以龜楮床足經二千餘歲老人死移  
床龜尚生龜能行氣道引至神若此龜策傳龜  
千歲乃遊於蓮葉之上同上南人採龜溺以其  
性妬而與蛇交或雌蛇至有相趁鬪噬力小致  
斃者採時取雄龜置瓷盎及小盤中於龜前以  
鑑照之既見鏡中龜即淫發而失溺以入藥治

龍其尤妙北夢瑣言

**詩句**半脫蓮房露壓歌綠荷深處有游龜坡

**貝**成是貝錦疏貝質白如玉紫點為文皆行列

相當巷伯

**玳瑁**形狀如龜惟腹背甲有烘點其大者悉似

盤盃嶺表錄異

**古今事蹟**

洛出書

堯沉璧於洛玄龜負書出於背上赤文朱字尚  
書中候箕子陳洪範曰天乃錫禹洪範九疇注



天與禹此書神龜負文而出列于背有數皆至  
九 洪範

納錫大龜

禹貢九江納錫大龜注尺二寸曰大龜龜不常

用錫命而納

竊其寶龜

臧昭伯如晉城會竊其寶龜僕句以下為信與

僭 昭二十五

居蔡

臧文仲居蔡山節藻筮何如其智也注龜出蔡

因名之

納大蔡

臧武仲自邾使告臧賈具致大蔡焉曰紇之罪

不及祀子以大蔡納請其可賈曰聞命矣再拜

受龜 左傳

寧為生龜 見隱逸門

空冢大龜

却儉行獵墜空冢中見大龜張口吞氣或俛或

仰乃試隨龜所為遂不復飢 抱朴子

洞玄先生



張鋌見巴西侯飲酒命樂久之有告者曰洞玄  
先生在門言訖有一人被黑衣頭長而身甚廣  
揖之與坐曰天將曉鋌悻悟見身卧在石龕中  
一龜形甚巨乃向所見洞玄先生也

張續宣室志

### 龜名元緒

孫權時永康有人入山遇一大龜即束之歸龜  
便言曰游不良時爲君所得人甚怪之載出欲  
上吳王夜泊越里纜船於大桑樹宵中樹呼龜  
曰勞乎元緒奚事爾耶龜曰我被拘繫方見烹  
臠雖盡南山之樵不能潰我樹曰諸葛元遜博

識必致相苦令求如我之徒龜曰子明無多詞  
禍將及汝樹寂而止既至權命煮之焚柴萬車  
語猶如故諸葛恪曰然以老桑乃熟獻者乃說  
龜樹共言權登使伐樹煮龜立爛今烹龜猶用  
桑樹野人故呼龜爲元緒

劉叔敬異苑

### 白龜報恩

晉咸康中豫州刺史毛寶戍邾城有一軍人於  
武昌市買得一白龜長五寸置瓮中養之漸大  
放江中後邾城遭石季龍攻陷赴江者莫不沉  
溺所養龜人被甲投水中覺如墮一石上須臾



視之乃是先放白龜既抵岸迴顧而去

續搜神記

印龜左顧 見印門

黃龜右轉

鄱陽人黃赭入山採荆揚遂迷路數日忽見大龜赭便呪之曰汝是靈物而吾迷不知道今騎汝背頭向便是路龜即回右轉赭從行十許里便得溪水即估客行舟者也 續搜神記

千年五聚

殷踐猷賀知章嘗號為五總龜謂龜千年五聚問無不知也

龜骨裹皮

大隋法真師庵側有一龜僧問一切衆生皮裹骨這箇衆生骨裹皮師拈草履龜邊着 傳燈錄

厥篚織貝 以下係貝

禹貢淮海惟揚州厥篚織貝

獻貝免罪

商拘文王於羑里於是散宜生乃以千金求天下之珍怪得大貝百朋以免君罪 六韜

生取玳瑁甲 係玳瑁

廣南日見海島夷人盧亭獲活玳瑁龜一枚以



獻連師嗣薛王王令生取甲小者二片帶於左  
臂以辟毒俟其揭處漸生復遣盧亭送於海畔  
或云玳瑁若生帶之有蠱毒其甲即自搖動若  
死無此驗本草

古今文集

雜著

龜筮傳

司馬遷

宋元王二年江使神龜使於河至於泉陽漁者  
豫且舉網得而囚之置之籠中夜半龜來見夢  
於宋元王曰我爲江使於河豫且得我身在憲

中莫可告語王有德義故來告訴元王召博士  
衛平而問衛平乃援式而起對曰今昔壬子宿  
在牽牛河水大會鬼神相謀漢正南北江河固  
期南風新至江使先來白雲壅漢萬物盡留斗  
柄指日使者當囚玄服而乘輜車其名爲龜王  
使人持而往問泉陽令令與使者問豫且即獻  
使者使者載行出於泉陽之門正晝無見風雨  
晦冥雲蓋其上五采青黃雷雨並起風將而行  
入於端門見於東廂身如流水潤澤有光望見  
元王延頸而前三步而上縮頸而却復其故處



元王見而怪之問衛平對曰延頸而前以當謝也縮頸而却欲亟去也元王曰善哉趣駕送龜衛平曰龜者天下之大寶也先得此龜者爲天子且十言十當十戰十勝王能寶之諸侯盡服王勿遣也元王曰龜在患難中以我爲賢德忠信故來告寡人寡人若不遣也是漁者也漁者利其肉寡人貪其力下爲不仁上爲無德柰何勿遣衛平對曰不然臣聞盛德不報重寄不歸天與不受天奪之寶王雖遣之江河必怒務求報仇淫雨枯旱其罰必來王勿遣也元王慨然

而嘆曰暴得者必暴亡彊取者必後無功寡人安事此寶趣駕送龜勿令久留衛平對曰人或忠信不如誕謾或醜惡而宜大官或美好佳麗而爲衆人令龜使來抵網而遭漁者得之見夢自言是國之寶也王何憂焉元王曰禍不妄至福不徒來福之至也人自生之禍之至也人自成之今寡人之邦居諸侯之間舉事不當又安亡逃衛平對曰龜大寶也爲聖人使傳之賢士不用手足雷電將之風雨送之流水行之侯王有德乃得當之今王有德而當此寶恐不敢受



玉若遣之宋必有咎後雖悔之亦無及已元王  
 大悅於是擇日齋戒乃刑白雉驪羊以血灌龜  
 於壇中央以刀剝之身全不傷使工占之所言  
 盡當元王之時衛平相宋宋國最強龜之力也  
 故云神龜能夢於元王而不能自出漁者之網  
 身能十言盡當不能通使於河還報於江賢能  
 令人戰勝攻取不能自解於刀鋒免剝刺之患  
 聖能先知亟見而不能令衛平無言言事百全  
 至身而孿當時不受又焉事賢是故明有所不  
 見聽有所不聞人雖賢不能左畫方右畫圓日

月之明而時蔽於浮雲孔子聞之曰神龜知吉

凶而骨直空枯日為德而君於天下辱於三足

之烏月為刑而相佐見食於蝦蟆蝓辱於鵠能

制虎見騰蛇之神而殆於即且黃金有疵白玉

鵠仰地有瑕事有所疾亦有所徐物有所拘亦有所據

罔有所數亦有所踈人有所貴亦有所不如

古詩

同王濬賢良賦龜 王介甫

世傳一尾龜百齡此龜殆見隋唐興雖然天幸  
 免焦灼想屢縮頸愁嚴凝前年赴海不量力欲



替鼇負三峒增番禹使君邂逅見知困簸蕩因  
嗟矜疾呼豫且設網取以組系首髡穿繩北歸  
與俱度大庾兩夫顛顛苦不勝艤船秦淮擔送  
我云此一可當十朋昔人寶龜謂神物奉事槁  
骨尤兢兢殘民滅國遞爭奪有此乃敢司黎烝  
於時觀甲別貴賤太上藏法傳昆仍豈如元君  
頃見夢初知歡喜得未曾自從九江納錫罷衆  
漁賤棄秋不登卜人官廢亦已久果獵誰復知  
珠稱今君此寶世莫識我以坐視心萇萇楮床  
纔堪比瓦礫當粟孰肯捐斗升糝頭腥臊何足

嗜曳尾穢污適可憎盛洩除聾豈必驗蹈背出  
險安敢憑剗腸以占幸無事卷殼而食病未能  
如聞翕息可視効往乃有墜崖千層仰窺朝陽  
俯引氣亦得難老如岡陵諒能學此真壽類世  
論妄以蟲凝冰嗟余老矣倦呼吸起晏光景尤  
難承但知古人所玩惜每戒異物相侵凌唯憂  
盜賊今好卜夜半劫請無威懲復恐嚙夫負之  
走并切老木爲薪蒸淺樊荒圃不可保守視且  
寄鍾山僧

以石龜子施覺心長老



陳去非

老龜千年作一息天地併入支床力何年生此  
石腸兒非皮裹骨骨裹皮君家元緒不慎口遂  
與老桑同一朽知君遊世磨不磷往作道人之  
石友道人莫欺此龜無六眸試與話禪當點頭  
詩話

賦龜比喻

張文潛作二龜歌亦為二蘇作曰一千歲大九  
江是也詩中敘時事曰老龍洞庭怒蕩覆堯九  
州謂王荆公禹咄嗟水橫流江無聲抹天浮謂

司馬君實詩辭豪放宏闊真奇作也雜之少陵  
詩中殆淄澠乎 蔡載集

解虫

螿蟻附

羣書要語

蟹一名蛭雄曰狼蝥雌曰博帶 廣雅  
蟹胥蟹醢也 說文 易之離象曰

為鼈為蟹為羸為蚌為龜孔穎達注取其剛在  
外也 易 梓人為箕箒別敘小蟲蟹屬以為雕琢  
鄭康成注刻畫祭器博庶物也賈公彥疏今人  
謂之螃蟬以其側行也 周禮 蟹六跪而二螯非



蛇蟪之穴無所寄託者用心躁也荀子蟹之郭索後蚓黃泉范明叔云雖有郭索多足之蟹不如無足之蚓者以其用心之一也揚雄太玄山

中無腸公子者蟹也抱朴子蟹敗漆淮南子蟹

八月腹内有芒芒真稻芒也長寸許向東輸與

海神未輸芒不可食酉陽雜俎吳俗有蝦荒蟹

兵之語蓋取其被堅執銳歲或暴至則鄉人以

為兵證又云出師下砦之際忽見蟹則呼為橫

行介士以權安衆又云今之採捕者夜則燃火

以照咸附明而至焉蟹譜瑣瑁腹蟹水母目蝦

又松陵集注云瑣瑁似蟬有一小蟹在腹為瑣

瑁出求食蟹或不至瑣瑁餒死所以淮海人呼

為蟹奴郭景純江賦瑣瑁一名海鏡

**詩句** 亥日饒蝦蟹白居易草泥行郭索林逋蟹

因霜重金膏澁皮日休半殼含黃宜點酒兩螯

斫雪勸加餐坡相憶尊前把蟹螯山谷

**古今事實**

蟹有匡

成人有其兄死而不為衰者聞子臯將為成宰為衰成人曰蚕則績而蟹有匡范則冠而蟬有



綾兄則死而子臯為之衰孔穎達云蟹背殼似  
匡檀弓

井蛙矜蟹 見蛙門

謀國卜蟹

越王勾踐召范蠡曰吾與子謀吳子曰未可也  
今有稻蟹不遺種其可乎 注蟹食稻 對曰天應至矣  
人事未盡也吾姑待之

左手持蟹

晉畢卓嘗謂人曰左手持蟹螯右手執酒杯拍  
浮酒池中足樂一生矣

怒水中蟹

晉解系與趙王倫同討叛羗時倫信用佞人孫  
秀與系爭軍事更相表奏朝廷知系守正不撓  
而召倫還系表殺秀以謝氏羗不從後倫秀以  
宿憾收系兄弟梁王彤救系等倫曰我於水中  
見蟹且惡之况此人兄弟輕我耶遂害之

糟蟹可怛

何胤侈於食味前必方丈後稍欲去甚者猶食  
白魚鮓 市演反 脯糖蟹以為非見生物擬食蚶蠣  
使門人議之學生鍾岵曰鮓魚就脯驟見屈伸



蟹之將糟躁擾彌甚仁人用意深懷此但至於  
車螯蚶蠣眉目內闕慚渾沌之奇獷殼外絨非  
金人之慎不悴不榮曾草木之不若無馨無臭  
與瓦礫其何殊故宜長充庖廚永為口食

南史

妙於畫蟹

唐韓晉公滉善畫以張僧繇為之師善狀人物  
異獸水牛等尤妙於螃蟹

一蟹不如一蟹

陶穀奉使吳越忠懿王宴之因食蝓蚌詢其族  
類忠懿命自蝓蚌至蟹蛸凡十餘種以進穀曰

真所謂一蟹不如一蟹

聖宋掇遺

有蟹無監州

國初通判常與知州爭權每云我是郡監往時  
有錢昆者餘杭人也浙人嗜蟹嘗求補外郡人  
問其所欲曰但得有螃蟹無通判處則可至今  
人以為口實

歸田錄

惜費不食

仁宗內宴十門分各進饌有新蟹一品二十八  
枚帝曰吾尚未嘗枚直幾錢左右對直一千  
帝不悅曰數戒汝輩無侈靡一下箸為錢二十



八千吾不忍也置不食

聞見錄

託賦譏時

僕射嚴續初以位高寡學為時所鄙江文蔚作  
蟬賦譏之云外視多足中無寸腸口裏雌黃每  
失塗而相煦曾中戈甲常聚眾以橫行

湘山野錄

嗜蟬恐過

杜相苦痰嗽性嗜蟬人或止之答云嗽痰發猶  
有時螃蟬過却便沒

雜志

懸蟬辟瘡

關中無蟬秦人家收得一乾蟬土人怖其形狀

以為怪物每人家有病瘡者則借去懸門戶往  
往遂差不但人不識鬼亦不識也

筆談

酒蟹

附見于此

酒蟹須十二月間作於酒甕撒清酒不得近糟  
和鹽浸蟹一宿却取出於罈中去其糞穢重實  
椒鹽訖疊淨器中取前所浸鹽酒更取少新撒  
者同煎一沸以別器盛之隔宿候冷傾蟹中須  
令滿二三月間止用生乾煮酒凡糟蟬用茱萸  
一粒置罈中經歲不沙或云夜取則罈中沙澁  
不可食

蟹譜



藏蟹

淮南人藏鹽酒蟹凡一器數十蟹以阜筴半挺置其中則可藏經歲不沙歸田錄

食證

孟詵食療本草云蟹雖消食治胃氣理經絡然腹中有毒中之或致死急取大黃冬瓜紫蘇汁解之即差又云蟹目相向者不可食又云以鹽漬之甚有佳味沃以苦酒通利支節去五臟煩悶亦不可與柿子同食發霍瀉

食品

北人以蟹生析之調以鹽梅芼以椒薑手畢即可食目為洗手蟹又蟹之腹有固蟲狀如木蟹子而小色白大發風毒蟹譜

誤讀爾雅

以下係螿蟻

晉蔡謨字道明初渡江見螿蟻大喜曰蟹有八足加以二螿令烹之既食吐下委頓方知非蟹後詣謝尚而說之尚曰卿讀爾雅不熟幾為勤學死

螿蟻資養

晉夏統養親以孝聞或至海邊拾螿蟻以資養



雜著

蟹志

陸龜蒙

蟹水族之微者其為蟲也有籍見於禮經載於國語揚雄太玄辭晉春秋勸學等篇考於易象為介類與龜鼈剛其外者皆乾之屬也周公所謂旁行者歟參於樂錄食䟽蔓延乎小說其智則未聞也惟左氏紀其為災子雲譏其躁以為郭索後蚓而已蟹始窟穴於沮洳中秋冬交必大出江東人云稻之登也率執一穗以朝其魁

然後從其所之蚤夜感沸拍江而奔漁者緯蕭承其流而障之曰蟬斷短其江之道焉爾

然後復奔紛越軼逝而去者十六七既入于江則形質寔大於舊自江復趨于海如江之狀漁者又斷而求之其越軼奔去者又加多焉既入于海人亦異其稱謂矣嗚呼穗而朝其魁不近於義耶捨沮洳之江海自微而務著不近於智耶今之學者始知得百家小說而不知孟軻荀揚之道或知之又不汲汲於聖人之言求大中之要何也百家小說沮洳也孟軻荀揚聖人之瀆也



六籍者聖人之海也苟不能捨沮洳而求瀆以  
至于海是人之智反出蟲下能不悲夫吾是以  
志蟹

蟹譜總論

傅肱 嘉祐

蟹水蟲也其字從蟲肝鬼反亦曰魚屬故古文從  
魚作蟹以其外骨則曰介蟲取其橫行目為螳  
螂焉骨眼蜎腹鉅腦鬣足其爪類拳丁其螯類  
執鉞其跪又皆外刺性復多躁或編諸繩縷或  
按諸笊箸則引聲噀沫必死方已類皆鱗育生  
於濟鄆者其色紺紫出於江澗者其色青白小

者謂之蟛蚶中者謂之蟹匡長而銳者謂之螯

音截

大者謂之蝟蚶雖皆有佳味獨蟹參於藥

論耳明越溪澗石穴中亦出小蟻其色赤而堅

俗呼為石蟻與生伊洛者無異曆圓多腴而奪

之膏臍長多足而與之蝦其生於盛夏者無遺

穗以自充俗呼為蘆根蟹

謂其止食  
莖蘆根

瘠小而味

腥至八月則蛻形已蛻而形浸大秋冬之交稻

梁已足各腹芒走江俗呼為樂蟹最號肥美由

江而納其芒於江中之魁遇冰雪則自伏淤澱

不可得矣今人設噍具以按酒者此特為之先



置馬江淮間尚推重如此况非所育之地乎何  
曾食疏弘君食檄虞棕飲食亦未必不珍此味  
也虞棕南史有傳但名存而書亡此爲恨耳又  
曰螯蛆者二月三日之盛出於海塗吳俗尤所  
嗜尚歲或不至則指爲禁煙謂非佳節也今之  
通泰其類寔繁然有同螻蛄差大而毛好耕穴  
田畝中謂之螻基毒不可食晉蔡道明誤食之  
幾死尤宜慎辨也又多生於陂塘溝港穢雜之  
地往往因雨則瀕海之家列陣而上填砌緣屋  
雖驅拂之不去也

蟹有十二種

文登呂亢多識草木蟲魚守官台州臨海命工  
作蟹圖凡十有二種一曰蝟蚌乃蟹之巨者兩  
螯大而細毛如苔八足亦皆有微毛二曰撥  
掉子狀如蝟蚌螯足無毛後兩小足薄而微闊  
類人之所食者然亦頗異其大如升南人皆呼  
爲蠚八月間盛出人採之與人鬪其螯甚巨往  
往能害人三曰攤劔狀如蠚而色黃其一螯偏  
長三寸餘有光四曰螯蝟螯微毛足無毛以鹽  
藏而貨于市爾雅曰螯蟬小者螯云小蟹也蟬



音澤勞音勞

吳人呼爲螯蟻搜神記言此物嘗

通人夢自稱長卿今臨海人多以長卿呼之五  
曰竭朴大於螯蟻殼黑斑有文章螯正赤常以  
大螯障目小螯取食六曰沙狗似螯蟻壤沙爲  
穴見人則走屈折易道不可得七曰望潮殼白  
色居則背坎外向潮欲來皆出坎舉螯如望不  
失常期八曰倚望亦大如螯蟻居常東西顧睨  
行不四五又舉兩螯以足起望惟入穴乃止九  
曰石蛭大於常蟻八足殼通赤狀若鵝卵十曰  
蜂江如蟹兩螯足極小堅如石不可食十一曰

蘆虎似螯蟻正赤不可食十二曰螯蟻大於蟻  
小於常蟻呂君云此皆常所見者北人罕見故  
繪以爲圖又海商言海中龜鼈島之東一島多  
蟻種類甚異有虎頭者有翅能飛者有能捕魚  
者有殼大兼尺者以非親見故不畫李履中得  
其一本爲作記予家楚宦遊二浙閩廣所識蟹  
屬多矣亦不悉與前說同而所謂黃甲白蟹蟻  
蟻諸種呂圖不載豈名謂或殊乎故紀其詳以  
示博雅者

糟蟹賦

楊廷秀



江西趙漕子直餉糟蟬風味勝絕作此賦  
以謝之

揚子疇昔之夜夢有異物入我茅屋其背規而黝  
其臍小而白以爲龜又無尾以爲蚌又有足八  
趾而隻形端立而旁行唾雜下而成珠臂雙怒  
而成兵寤而驚焉曰是何祥也召巫咸卦之遇  
坤之解曰黃中通理彼其韞者歟雷雨作解彼  
其名者歟羨海若之黔首馮夷之黃丁者歟今  
日之獲不羽不鱗奏刀而玉明披腹而金生使  
營糟丘義不獨醒是能納夫子於醉鄉脫夫子

於愁城夫子能親釋其堂阜之縛俎豆於儀狄  
之朋乎言未既有自豫章來者部署其徒趨蹌  
而至矣竭入視之郭其姓索其字也揚子迎勞  
之曰汝二淞之裔耶九江之系耶松江震澤之  
珍異海門西湖之風味汝故無恙耶小之爲彭  
越之族大之爲子牟之類尚與汝相忘於江湖  
之上耶於是延以上客酌以大白曰微吾天上  
之故人誰遣汝慰吾之岑寂客復酌我我復酌  
客忽乎天高地下之不知又焉知二豪之在側

後蟹賦

楊廷秀



昔趙子直漕江西餉予糟蟹因爲賦之江  
西蔡帥定夫復餉生鱉風味十倍曹丕再  
爲賦之

司徒道明來自洛師至此江湄逢一湖海之仙  
貌肖乎晉之解揚而其怒有赫骨像乎漢之彭  
越而其園中規獨愛其二執戈者前矣視其趾  
二四而有畸意以爲吳中介士郭先生也不知  
其姓則彭其字則螟也亟携其手而上曰吾自  
渡江以來取友不少矣如孔之金如王之瓊吾  
皆得而友朋如魏之玉如庾之穀吾皆得而款

曲夫子安在何相見之暮而不夙也於是齒牙  
嗜焉曾懷寄焉與之一飲一食而同醉焉夜半  
客起若有所刺者司徒腹心岑岑若有所崇者  
詰朝下逐客之令屏之陽侯之遐裔焉佗日以  
天子之命作牧於豫章幕府初開延見俊良望  
見一客又似乎彭越與解揚命典謁者曰是嘗  
崇我而幾我傷者矣予不汝殺世無黃祖其生  
致之於溯江而上之揚乎揚子方晚飲聞其至  
揖而進之曰吾有二友惟彼麴生與爾郭索老  
夫與之同死生不減顏氏子之樂彼也日從予



遊爾也父子云邈何相忘江湖莫我肯顧也何  
使清風明月必思元度也爾之德吾能言之洗  
手奉職德之上也就湯割烹德之次也鋪靈均  
之糟卧吏部之甕德斯爲下矣客於是涕唾流  
沫園視而顰謝曰士固有以贗亂真以遠間親  
聖而受園肖乎形也孝而投杼同乎名也僕之  
主公昔以彭爲郭今以郭爲彭不遇蔡司徒幸  
遇揚子雲願借先生蒼頡之篇與太玄後蚓之  
文詳注爾雅彭郭之異族庶解嘲於司徒之門  
古詩

次韻師厚食蟬

黃魯直

海饌糖蟹肥江醪白蟻醇每恨腹未厭誇談齒  
生津三歲在河外霜臍常食新朝泥看郭索暮  
鼎調酸辛趨蹌雖入笑風味極可人憶觀淮南  
夜火攻不及晨橫行葭葦中不自貴其身誰憐  
一網盡大去河北民鼎司費萬錢玉食羅常珍  
吾評揚州貢此物真絕倫

律詩

詠螿蟬呈浙西從事

杜牧

未遊滄海早知名有骨還從肉上生莫道無心



畏雷電海龍王處也橫行

謝何十三送蟬

黃魯直

形模雖入婦女笑風味可解壯士顏寒蒲束縛  
十六輩已覺酒思生江山

又借答送蟹韻戲小荷

黃魯直

草泥本自行郭索玉人為開桃李顏恐似曹瞞

說雞肋不比東阿舉肉山

曹植封東阿王與吳季重書願舉太山以

為肉傾東海以為酒

代二螯解嘲

黃魯直

仙儒昔日卷龜殼蛤蜊自可洗愁顏不比二螯

風味好那堪把酒對西山

又借前韻見志

黃魯直

招潮瘦惡無永味海鏡纖毫只強顏想見霜臍  
當大嚼夢回雪壓摩圍山

海物異名記蟹之小者每潮欲來出穴舉

螯迎之名招潮子 文選郭景純江賦王

兆海月土肉石華注引海水土物志曰海

月大如鏡白色正圓常死海邊其柱如搔

頭大中食 末句謂黔南雪中睡起時嘗



作雙螯之想如昔人思尊鱸也

秋冬之間鄂渚絕市無蟹今日偶得  
數枚吐沫相濡乃可憫笑戲成小詩

黃魯直

怒目橫行與虎爭寒沙奔火禍胎成雖為天上  
三辰次未免人間五鼎烹

陰陽家以井鬼之分

為巨蟹

勃窣嬰跚烝涉波草泥出沒尚橫戈也知齧棘  
元無罪柰此尊前風味何

解縛華堂一座傾忍堪支解見薑橙東歸却為

鱸魚膾未敢知言許李鷹

糟蟹

楊廷秀

橫行湖海浪生花糟粕招邀到酒家酥片滿螯  
凝作玉金穰鎔腹未成沙

病中有人惠海蟹轉寄魯望

皮日休

紺甲青筐染落衣島夷初寄北人時離居定有  
石帆覺失伴惟應海月知族類分明連瑣瑀形  
容好箇似螯螟病中無用雙螯處寄與夫君左  
手持



訓襲美見寄海蟹 陸龜蒙

藥杯應阻蟹螯香却乞江邊採捕郎自是揚雄  
知郭索且非何胤敢餒鯁骨清猶似含春露沫  
白還疑帶海霜強作南朝風雅客夜來偷醉早  
梅旁

呈吳正仲遺活蟹 梅聖俞

年年收稻賣江蟹二月得從何處來滿腹紅膏  
肥似髓貯盤青殼大於杯定知有口能噓沫休  
信無心便畏雷幸與陸機還往熟每分吳味不  
嫌猜

丁公默送蝓蟬 蘇子瞻

溪邊石蟹小如錢喜見輪困赤玉盤半殼含黃  
宜點酒兩螯斫雪勸加餐蠻珍海錯聞名久怪  
雨腥風入座寒堪笑吳興饒太守一詩換得兩  
尖團



新編古今事文類聚卷之三十五

後集



新編古今圖書集成卷之三十五



